

書名 西湖遊覽志二十四卷 嘉靖二十六年序刊萬曆十二年序江陰范鳴謙修本
撰者 明 田汝成 撰
卷 卷九
內容分類 史·地理·名勝·浙江
索書號 倉石20405
編號 2037500

卷九

彩色首頁1

[東洋文化研究所漢籍目錄](#) 編號: 2037500

[東洋文化研究所漢籍目錄所藏漢籍善本全文影像資料庫](#) 索書號: 倉石20405

[漢籍善本全文影像資料庫](#) 文本 [西湖遊覽志二十四卷](#) 嘉靖二十六年序刊萬曆十二年序江陰范鳴謙修本

版權所有: 東京大學 東洋文化研究所
使用上的注意事項

西湖遊覽志第一卷

西湖總叙

西湖故明聖湖也周繞三十里三面環山谿谷縷注
下有淵泉百道瀦而為湖漢時金牛見湖中人言明
之瑞遂稱明聖湖以其介于錢唐也又稱錢唐湖
其稱委于下湖也又稱上湖以其負郭而西也故
云西湖諸山之脉皆宗天目天目西去府治
十里高三千九百丈周廣五百五十里蜿蜒
深拔峭舒岡布麓若翔若舞萃于錢唐而嶮

錢唐田 汝成 輯撰

而泉湮後人遂勒石于此寒冽而深會為方沼可冰鮮焉。

寺右舊有快活園水竹院落仁壽庵金廢○快活園趙宛容別墅○水竹院落賈似道離亭在西泠橋南左挾孤山右帶蘇堤波光萬頃與闌檻相值騁快絕倫內有奎文閣秋水觀思剡亭。

西湖遊覽志第八卷終

西湖遊覽志第九卷

北山勝蹟

錢唐田汝成輯撰

葛嶺之西為履泰山棲霞嶺桃溪棲霞洞紫雲洞牛鼻墓妙智庵高菊澗墓。

棲霞嶺上桃花爛燦色如凝霞北有古劍關蓋左寶雲右仙姑兩山夾峙若劍門然宋立巡司于此有水名桃溪經岳墳前入湖嶺西為烏石塢棲霞洞一名紫雲洞在嶺巔妙智庵側地多怪石隱榛莽中賈似道異之乃抉葳剔幽為亭曰暢

累功

曰淪俗入其中穹然如夏屋寒骨悽神不可久
 立故晷遊晷勝石壁小臺突然坎中衡二石下
 達于坻仰視左竇四五通明大者圓徑丈許有
 水洞深不可測頃惡僧以遊人故塞之僅餘尺耳
 牛臯墓在劍門關畔臯字伯遠汝州人為岳武穆
 部將立戰官至寧國軍承宣使紹興十七年上
 巳日統制田師中大會諸將臯遇毒歸語所親
 曰臯年六十一官至侍從即死無恨所恨者南
 北通和不以馬革裹屍顧死牖下耳明日卒或
 言秦檜使師中毒臯云景定初追封輔文侯

妙智庵即牛臯香火院嶺北有金鼓洞昔人伐石
 其間聞金鼓下作乃止

高菊澗墓菊澗諱翥字九萬乃侍中高瓊八世孫
 其父祖以宋咸曉扈蹕南遷欽恤墳塋於棲霞
 嶺南翥性敏多聞志甘恬退隱跡西湖騷名四
 著孝宗徵辟不就即其所居賜號菊澗處士卒
 葬祖塋所著有菊澗詩集其散漫於題咏者如
 孤山雪後下塘二絕拜和靖墓清明祭掃渡春
 江等詩皆膾炙人口

嶺下有慶士仇仁近員外張光弼墓並廢○仁近

西漢志卷之九
名遠錢塘人宋亡落魄江湖元初辟溧陽學正
未幾隱去工詩文所著有山村集洪武初祀鄉
賢錢恩復挽詩詩窮八十年江海正凄然玉塵
風生頰青山雪滿巔門墻張籍俊墓表孟郊賢
出處人皆識哀歌徹九泉張仲舉詩前輩凋零
盡南陽有古阡詩應傳四海酒不到黃泉槐國
真成夢桃園亦是僊松根一掬淚慘淡墮風烟
○張光弼廬陵人仕元浙省左司員外罷居花
市遨遊湖山有詩名所著有左司集其詩云但
教懷抱能傾倒莫向尊罍計有無不爲訪僧三

竺寺昔乘烟艇過西湖酒館湖船盡有名玉杯
時得肆閒情至今人說張員外不是看花不入
城

嶺下爲岳武穆王墓翊忠祠分屍檜流芳亭

岳武穆王墓王名飛字鵬舉相州湯陰人少負氣
節沉毅寡言有神力未冠挽弓三百觔弩八石
宋高宗時以戰伐功歷官都統屢陳恢復大計
高宗慮欽宗之返而攘已也陽獎而陰憾之丞
相秦檜揣知帝旨遂力主和議會兀朮寇拱毫
詔飛往援金人大敗追及朱雋鎮中原響應謂

其部下曰直抵黃龍與諸君痛飲耳方指日渡河而檜欲割淮以北棄之乃召張俊楊沂中先歸言飛孤軍不可久留以金牌十二召之班師飛憤惋泣東向拜曰十年之力壞于一日矣明年兀朮寇淮西張俊畏敵不敢進詔飛往援兀朮遁俊忌之飛遂力請解兵柄會兀朮遣檜書言飛不死和議終不成檜乃諷臺臣何鑄羅汝楫等交章論飛言金人攻淮西飛至舒蘄而不進與張俊按兵淮上又欲棄山陽而不守張俊又劫王俊誣飛令張憲岳雲通書協謀冀以兵

柄還飛檜遣使捕飛父子下獄令諫議大夫万俟卨鞠成之會歲暮獄無佐證檜一日獨居書室食柑玩皮若有思者其妻王氏窺咲曰老漢一何無決擒虎易縱虎難也檜犁然當心致片紙獄中卽日報飛死矣蓋摺殺之年二十九雲憲皆棄市獄卒隗順負飛屍踰城至九曲叢祠潛瘞之以王環殉樹雙楮識焉紹興末金人益猖獗太學生程宏圖訟飛冤詔還飛宗屬徙邊者孝宗詔復飛官謚武穆改塋於棲霞嶺雲祔其傍廢智果院爲祠賜額曰褒忠衍福寺墓上

之木皆南向蓋英靈之感也嘉定四年封鄂王
宋亡寺廢王之六世孫在江州者名士迪與宜
興岳氏通譜合力起之未幾復廢至元間天台
僧可觀者訴于官鄭明德爲作疏語云竊念故
宋贈太師武穆岳鄂王忠孝絕人功名蓋世方
畧如霍嫖姚不逢漢武徒結志於忘家意氣如
祖豫州乃遇晉元空誓言於擊楫賜墓田棲霞
嶺下建祀祠秋水觀西落日鼓鐘長爲聲寃於
草木空山香火猶將薦瘳於淵泉豈期破蕩子
孫盡壞久長規制典補田墮佛宇春秋無所烝

嘗塞墓道毀神棲風雨遂頽廟貌鶴鷗夜啼拱
木躑躅春開斷垣淚落路人事關世教蓋忠臣
烈士每詔條有致祭之文豈狂子野僧撓國典
出募緣之疏望明有司告之臺省冀聖天子錫
之珪璋褒忠義在天之靈激死生爲臣之勸周
武封比干墓事著遺經唐宗建白起祠恩覃異
代疏成杭州經歷李全慨然重興之廟塑王像
以其子雲雷震霖霆耐焉後作燕寢像王父母
及王夫人與王之女號銀瓶娘子者尋燬雲飛
養子也每立奇功飛輒隱之能握鐵椎重八十

斤死年二十三霖子珂嘉定間作籲天辯誣錄
天定錄程史金陀粹編飛事愈白廟中有石刻
飛詩詞二首送紫岩張先生北伐詩云號令風
霆迅天聲動北陬長驅渡河洛直擣向燕幽馬
蹀闕氏血旗臬可汗頭歸來報明主恢復舊神
州其詞云怒髮衝冠凭欄處瀟瀟雨歇擡望眼
仰天長嘯壯懷激烈三十功名塵與土八千里
路雲和月莫等閒白了少年頭空悲切靖康耻
猶未雪臣子恨何時滅駕長車踏破賀蘭山缺
壯志饑餐胡虜肉笑談渴飲匈奴血待從頭收

拾舊山河朝天闕

皇明初勅建其祠有司

春秋致祭弘治間太監麥秀重建殿寢雲所用
鐵鎗猶存正德十二年太監王堂塑王父母妻
子女諸像扁曰一門忠孝隆慶四年賜謚忠武
萬曆十七年太監孫公闢道以通湖濱二十二
年按察司兵巡杭嚴副使范公涑以鐵鑄秦檜
王氏張俊方俟高四像反接跪于丹墀二十年
公爲右布政使重脩

古今吊其墓者詩已成集略掇其著者

葉紹翁詩萬古知心只老天英雄堪恨復堪憐

西清志卷之九
如公少緩須臾死此虜安能八十年漠漠凝塵
空偃月堂堂遺像在凌烟早知埋骨西湖路悔
不鳴夷理釣船○林弓寮詩天意只如此將軍
足可傷忠無身報主寃有骨封王苔雨樓墻暗
花風廟路香沉思百年事揮淚對斜陽○趙子
昂詩岳王墳上草離離秋日荒涼石獸危南渡
君臣輕社稷中原父老望旌旗英雄已死嗟何
及天下中分遂不支莫向西湖歌此曲水光山
色不勝悲○高則誠詩莫向中原嘆黍離英雄
生死係安危內庭忽下班師詔絕漠全收大將

旗父子一門甘伏節山河萬里竟分支孤臣尚
有埋身地二帝遊魂更可悲○潘子素詩海門
寒日澹無輝偃月堂深晝漏遲萬竈貌貅江上
老兩宮環珮夢中歸內園羯鼓催花發小殿珠
簾看雪飛不道帳前胡旋舞有人行酒著青衣
○林清源詩誰收將骨葬西湖已卜他年必沼
吳孤塚有人來下馬六陵無樹可棲烏廟堂短
計慚嫠婦宇宙惟公是丈夫往事重觀如敗局
一龕燈久屬浮屠○徐孟岳詩童大王歸事已
離岳將軍死勢尤危直教萬歲山頭雀去遶黃

龍塞上旗飲馬徒聞腥鞞洛洗兵無復望條支
湖邊一把摧殘骨蓋世功名百世悲○高季迪
詩大樹無枝向北風千年遺恨泣英雄班師詔
已成三殿射虜書猶說兩宮每憶尚方誰請劍
空嗟高廟自截弓棲霞嶺上今回首不見諸陵
白露中○陶九成詩精忠祠宇西湖上再拜荒
墳感昔遊斷碣草深蒙鼻颺空山日落叫鞦韆
運移宋祚難恢復帝幸燕雲困虜囚逆檜陰圖
傾大業昭陵無意問神州偷安甫遂邦家志飲
痛甘忘父母讎信使北和憐屈膝冊文南駐忤

含羞兩宮五國瞻征幟丹詔班師下節樓萬里
長城真自壞中興武績遂云休嗚呼竟死奸邪
手顛沛誰爲社稷憂黯黯冤魂遊狴犴紛紛雨
淚泣貔貅唯餘滿地長紅血不見中流祖逖舟
氛氳已塵金匱匠冕旒終換鐵堦盤姓名竹帛
書千載父子英雄土一丘老樹尚知朝禹穴遺
黎總解說王猷復田起廢憐僧寺移檄褒嘉賴
省侯 聖世卽今崇祀典佇看寵渥到松楸○
范原易祭文惟王忠勇天錫矢志滅虜恢復中
原用兵如神百戰百勝寔奠社稷之喬嶽洗腥

膾之天河詎意天不祚宋君臣宴安權奸誤國
大勲方集矯詔班師遂使精忠飲恨于九京英
雄扼腕于百代是誰之罪歟凍欽承 朝命
分廵此方每過王墳咨嗟移晷眷言頽壞引咎
勿寧爰檄守土執事伐石重封用妥靈顯以慰
士庶衆心惟王尚念我 明蕩掃胡氛爲王
雪耻又表王之忠烈血食萬年則所以祐國庇
民潛消禍亂鞏固地方蓋王之靈也亦王之任
也故卜良辰擷芳湖上炳蕭庭中敬薦明信惟
王饗之

翊忠祠以祀劉允升施全隗順者允升建州布衣
士也聞岳武穆王被逮詣闕上書訟其冤秦檜
大怒下棘寺論死全殿前司小校也憤秦檜主
和議誤國挾刃刺之不中被擒磔于市弘治二
年工部主事莆田林沂建祠祀之四年按察使
楊俊副使吳伯通等重拓大之題其祠曰翊忠
順臨安義士也痛武穆冤死負屍潛瘞于九曲
叢祠至孝宗朝詔懸三班借職暨錢五百緡以
求王屍勅葬于棲霞嶺迄今寢封享祀千古皆
順力也惜久泯未彰萬曆三十年會右布政使

新安范公冰重修岳廟杭民高應科具呈准行
郡縣查議詳允裝塑順像入祠並祀工部主事
吳興施浚明爲之記曰忠武以精忠構奇禍千
古寃之國史家乘載之甚詳錫謚躬祠自宋迄
今有加無已祠間子女部曲歿以從死得祀其
旁爲翊忠祠建州布衣以訟寃死得祀殿前小
校以刺奸死得祀蓋權奸橫則怒及餘胥公論
昭則愛及屋烏有以哉獨南枝歸然非衣冠藏
也窳偷哆舌片楮飛將星墮後來者購求遺骸
不在棘寺而在叢祠九曲間玉環雙橋宛然觀

記俾忠魂有憑伊誰力耶乃曾莫有過而問之
者是忠武抱痛於生前而隗生埋照於身後也
名在郡乘田叔禾湖志采擷更詳其事非悠渺
冒不測而負且瘞瘞且識其功非么麼昔廉叔
度營爲獄卒以濟鄧融彼誼士也而托之乎卒
也躬爲卒而心誼士之心抑又奇矣康樂公搜
剔名山不遺餘力顧近舍雁湖說者謂勝地顯
晦固自有數余於隗生亦云雖然其有待也歲
在重光玄默新都范公實轄二浙保釐章瘳旣
備旣雍堂食之美以新王祠而郡人高應科者

因以祀隗請公曰恣哉其采諸輿論於是郡文學博士議曰按傳記順潛瘞忠武時語其子曰岳氏事白朝家必懸賞求屍夫奸檜旣讎王家其偵事必密一逢其怒立見齏粉希賞於異代而遺患於目前豈人情乎蓋王義殉國順義殉王義之所激身家子孫不以入慮也且順以俎豆陽羨矣是宜祀縣大夫曰殘忠資敵今古所共忿一時文武不且爲文致抑且爲媿媿豈其見皆出卒下哉好爵啖其前危機怵其後故良心懷也奮身仗義乃出於藐焉之夫獎在善耳

奚貴賤之擇是宜配食於翼忠之祀於是范公欣然誼隗生之能不負忠武抑誼數百載而下有能不負隗生者民有待而興詎不信耶時不佞方在告策蹇湖山日過王祠而應科嗜古闡幽則嘗與之手一編而上下揚摧者喜其得遇范公而名將與隗生同不朽也邦君以忠義風而下有興者盛美宜識職在野史先爲之記以俟而系之以詩曰建炎馬渡賊臣鴟張剪其虎軀以奉犬羊妖纏貫索霧塞羲光道路吞聲忠魂渺茫慘逾五毒痛甚三良長城旣摧埋玉

西清志林卷之九
奚望疇其負之軼彼園墻疇其斂之九曲之旁
大奸斯去完節斯章忠則宜褒骨則焉藏懸金
列級購求皇皇誰知俠烈義激秋霜無爲而爲
千古流芳先軫歸元鷓夷浮江天祚岳氏全骸
坊堂亦孔之醜爲簪爲裳畏威圖縉以喪厥常
豈若斯人爛焉青緇輿臺忽諸咸秩未遑有美
范公文武殿邦詢於芻蕘幽光始彰下以義動
上以義倡塊圯雖遼共貫一腔咄咄隗生俠骨
剛腸可詠可絃宜俎宜觴非遇明時曷爲表揚
勒之金石永佐羶薌○陳有孚歌曰北風日競

胡塵起鼓鼙動地郊多壘義御無輝淮甸昏中
原疇雪靖康耻凌霜氣節惟鄂王精忠旗閃虹
霓光燕雲唾手欲報國金牌十二鷓梟張豪傑
吞聲解千騎十年功烈一朝棄長城萬里忍自
摧將星暗向園扉墜奸雄惡焰動煙天忠骨何
緣到墓田挺然俠烈一奮臂負埋遺骸叢祠邊
玉環雙橋識如碣英魂憑藉翔狐歆自非峻詎
薄秋旻誰會輕生罹酷罰咄咄奇哉燕臺生懸
金購賞心何嬰王孫可哀安望報精光直與日
月爭大奸旣去大忠顯九曲荒蕪儼牲鮮噫噓

武穆氣如生，改卜棲霞崇祀典。王義殉國涅膚，誓隗生獨抱殉。王義全骸完魄絕，代無劉施仗義功相媿。五百年來勲勩湮，熙朝一旦昭禮祀。高生闡幽志，與符乾坤正氣思。手扶剛腸俠骨，廟貌都人生隱達。皆丈夫會稽亦有唐林徒，六陵風雨收殘顛。世間義士應若桴，萬年切齒檜俊誣。嗚呼萬年切齒檜俊誣。○任元忠詩：精忠構奇禍，俠烈護英靈。荒塚環歸玉，叢林橘識青。蜚章亦劉氏，挾刃卽施生。千古無潛壁，昭昭揭日星。三十二年石布政使新安范公涑重修。

分屍檜在墓前，天順間杭州同知馬偉鋸而植之。首尾異處，以示磔屍狀。隆慶二年龍潭過風，拔大木墜劈其頂，後二十餘年猶存，今亡矣。

前有石壁書盡忠報國四字，每字方五尺餘。

流芳亭在墓西，有石刻王像存焉。有贊曰：惟武穆王天錫智勇，氣吞強胡，力扶宋季。桓桓師旅，元戎是寄。行將恢復，遭讒所忌。生旣無怍，死亦何愧。萬古長存，惟忠與義。有滿江紅詞二碑，文壁曰：拂拭殘碑，勅飛字依稀堪讀。慨當初，倚飛何重，後來何酷。果是功成身合死，可憐事去言難。

贖取無辜堪恨更堪憐風波獄豈不念中原感
豈不惜微欽辱但微欽既返此身何屬千古休
誇南渡錯當時自怕中原復笑區區一檜亦何
能逢其欲○王世貞曰御墨淋漓到飛字百身
難贖彈指罷遺黎夢斷舊都淪覆十二金牌丞
相詔風波片紙君王獄恨匈奴巧放兩人歸乾
坤蹙翹首地青衣辱回馬地朱僊哭嘆大江東
去一龜茲足北面生看臣構在南枝死望中原
復痛他年降表出臯亭鷓夷日

嶺之後爲掃帚塢黃龍洞護國仁王禪寺

護國仁王禪寺宋淳祐間經畧花園使孟珙建自
其趾斗折而上有洞豁豁深杳莫測水泉紺凜
旱不縮而潦不盈有龍居焉故老相傳曩夏雨
初霽時常有神物蜿蜒卧松上其氣苒苒然而
黃蓋黃龍也故世號黃龍洞珙既建仁王寺并
作龍祠延高僧慧開居之屬歲又旱理宗召慧
開祈雨退而默坐帝遣內侍問之對曰寂然不
動感而後通既而大雨自是無雨輒禱禱輒應
遂封黃龍爲靈濟侯賜祠額曰護國龍祠元至
正燬洪武初僧祖吉重建其東有黃山橋塢內

有天龍庵永安院西靖宮並廢

又西爲淨性禪寺

淨性寺宋乾德五年吳越王建名淨心院大中祥符間改今額元末燬國初重建傍有青衣

橋

履泰山之西爲僊姑山張憲墓

僊姑山之西東山街口可通古蕩西溪靈隱山脉至此少伏若斷而連其傍有桃花街舊有淨勝院俗稱昇仙宮宋時女僧妙清建高宗嘗臨觀焉有御愛松院側有乾濕水洞

張憲墓 憲岳武穆愛將也累立戰功紹興十年兀

木頓兵臨頴憲破其兵追奔十五里中原大震

會秦檜王和班師憲還未幾檜與張俊謀殺岳

飛誘飛部曲能告飛事者卒無人應張俊乃自

爲狀付奸人王俊妄言憲與岳雲通書謀還飛

兵權張俊親行鞠煉憲被掠無全膚竟不伏張

俊乃手具獄詞告成于檜憲坐死塋于此景定

二年追封烈文侯元總管夏思忠爲立石表其

墓尋廢 皇明正德十二年布衣田天祐發

地得碣石乃崇封焉知府梁材爲建廟宇修撰

唐皇爲之記

山麓舊有冲虛觀福壽觀妙明院傳經院淨元觀
葯洲園並廢○冲虛觀宋寧宗時宮人張氏爲
尼建此○福壽院乃旌德寺之子院也有寧宗
御書柱堂二字○葯洲園廖瑩中別墅有花香
竹色太平相在世綵愛君子習說等亭
僊姑山之西爲青芝塢王泉講寺

青芝塢有五色土雜銀星者嘗產青芝從石板巷
入南宋駐蹕繞湖皆市廛也故有巷名其前爲
佛牙塢

王泉寺故名淨空院南齊建元中僧曇超說法於
此龍王來聽爲之撫掌出泉遂建龍王祠晉天
福三年始建淨空院于泉左宋理宗書王泉淨
空院額以榜之祠前有池畝許清澈可鑑蓄五
色魚數十頭游泳如畫其泉溉田千頃近者曰
鮑家田吳越相鮑慶臣采地也 皇明宣德
間置白紙局就池造紙洵濁久之局廢而泉復
冽矣旁一小池水翠綠雖以白粉投之亦成綠
色白樂天詩湛湛王泉色悠悠浮雲身閒心對
定水清淨兩無塵手把青筇杖頭戴白綸巾興

盡下山去知我是何人○吳廉靜過鮑家田詩
搖旆家家酒扶犁處處村草深迷井口樅密擁
籬根綠水明秧本青山失繞痕多應忌蠶事畏
客掩柴門

塢內舊有慈聖院普向院作所院天清宮常清宮
南禪資福尼寺顯忠寺顯嚴寺報德寺並廢○
慈聖院有呂公池宋乾道間高僧能會池上縛
庵取水咒之以施病者輒愈遂號聖水池○普
向院宋紹興間殿帥楊存中請以鮑家田爲殿
司諸軍塋所建院守之尋加愍忠資福普向之

額○天清宮宋時道士沈師謙建○常清宮宋
沂王功德院○南禪資福院宋紹興初封開尼
惠果從駕建累朝內宮施捨殿宇甚盛○顯忠
寺宋內侍羅舜香火
其後爲靈峰禪寺

靈峰寺故名鷲峰禪院晉開運間吳越王建延伏
虎光禪師居之捨田數十畝度僧數百宋治平
間改賜今額俗傳爲唐時裴休募院者非也寺
內有翠微閣祇雲堂洗鉢池碑碑岑寂遊人罕
至天陰月黑時聞偃龍悲嘯林間近有築墳其

傍者八地文餘得堯缶畜腐物若醯醬類者
蓋兵燹之餘也前朝居民稠密湖山殆無隙地
云

又北爲法華山秦亭山方井佛惠禪寺智勝庵東嶽
廟

法華山去靈隱山後可里許去北十里爲西溪秦
亭則法華之分脉也俗訛爲靖甌山

方井在桃源嶺下徑六尺深一仞許井上有亭米
元章書扁久廢正德十年里人王槐重建進士
鄧鑾記

佛惠禪寺晉天福中建○智勝庵 皇明弘治

間建○東嶽廟宋時建

青芝塢西南爲慶化山水竹塢神霄雷院

水竹塢宋爲步司前軍寨其傍有宋殿撰周杞墓
杞處州人建炎二年知常州值苗劉之亂杞偪
義勤王以功除右文殿修撰卒塋於此其兄格
建炎初爲浙西提刑死於陳通之亂贈龍圖閣
學士勅塋於其山兄弟忠義名震一時云

神霄雷院宋咸淳間道士陳崇真者自閩來卜居
于此善雷法因勅建雷院以居之賜號冲素真

人六月二十四日郡人雲集設醮捨貲至今不廢

水竹居宋高宗自置可與...

青真入蜀西南經夔州山水...

間藝○東嶺頭宋封藝

荆惠甄寺晉天師中製○晉刻

皇明

西湖遊覽志第十卷

錢唐田 汝成 輯撰

北山勝蹟

僊姑山之西南為駝巘嶺過行春橋入九里松

駝巘嶺一名駝苑嶺有濟王墓濟王竝者寧宗長

子也先是寧宗選教宗子得太祖十世孫昀以

嗣沂王濟王與史彌遠有隙彌遠日媒孽於寧

宗屬意於昀後寧宗崩彌遠比周楊后矯詔立

昀為帝是為理宗濟王出居湖州太湖賊潘壬

潘丙劫濟王謀立之濟王不從率州兵擊賊變